

3
92^e 4

3

VENERABILIBVS FRATRIBVS
PATRIARCHIS,
ARCHIEPISCOPI,
EPISCOPI.

Clero, Religiosis Viris, & omnibus
Christi Fidelibus Ecclesiæ
Catholicæ.

VBL

8V



1851

1851

1851

1851

ALEXANDER

P A P A VII.



VENERABILES Fratres, Dilecti filij salutem, & Apostolicam benedictionem. E summo Apostolatus fastigio Orbem vniuersum, nostras videlicet curas, sollicitè circumspicientibus Nobis, misera sanè, luctuque plena se offert Christianæ Reipublicæ facies. Sortem enim Domini, atque ipsius hæreditatem, veris eiectis filijs, alieni sibi diripiunt. Gentes, quas pro Pontificia charitate, in nostrum, hoc est in veræ fidei sinum traducere, arctissimèque complecti voluissimus, hunc ipsum sinum dilaniare conantur, & ruptis maris, atque vltimis terrarum claustris in Christi gregem effunduntur. Malè denique concordēs Catholici Principes in se ipsos feruntur, & (quæ olim extrema minatus est Deus inimicis nostris, atque ijs, qui insurgunt aduersus Nos) se inuicem denascuntur. & proprio sanguini-

ne , quasi musto inebriantur. Hæc eadem
iam pridem cum tacitè nobiscum doleremus,
visum est ei , qui facit magna , & incompre-
hensibilia, quorum non est numerus , inuitos,
trepidantesque vocare Nos ad Ecclesiæ gu-
bernacula , atque inclinare in Nos onus im-
mensum , humerisque quamuis firmissimis
formidandum. Testes autem mœroris nostri
sunt publicæ supplicationes, quas vbi primû
Summo Pontificatui admoti sumus, vniuer-
sis indiximus , testes literæ, quas ad charissi-
mos filios, non solum Ferdinandum Hunga-
riæ, & Boemiæ Regem illustrem, ac in Ro-
manorum Imperatorem electum , verum
etiam ad vtrumque Regem dedimus, & quas
iterum cum importunissimum Aduersarium
per inclytæ Reipublicæ damna toti Europæ
funera , ac vastitatem inferre meditantem
videremus, magno cum animi dolore scripsi-
mus, vt eos à mutuis discordijs in nefa-
rium hostem conuerteremus, & quas nunc
mittimus , eos admonentes , vt dum hye-
mis interuentu tantisper bellorum impetus
resederit, ad pacem constituendam omni co-
nato, atque opera incumbant; testes hæc om-
nia, vnam dies. notesque obuersari animo solli-

itudinem, quoniam ad tanta, ac tam acerba
mala sedanda, nulla nisi in communi concor-
dia reliqua spes est, hanc omnium cordibus, ac
voluntatibus inferendi. Verum quia non hoc
humanæ vires, aut terrena consilia moliri pos-
sunt, sed illius donum esse debet, super quem
est disciplina pacis nostræ, qui auferit spiritum
Principum, atque increpat mare, & obmutescit;
quantum in vobis est Venerabiles Fratres,
ac Dilecti filij, non modò opera, studio, consi-
lio, officijs, auctoritate vestra contendite, ve-
rùm etiam in oratione, in lacrimis, in ieiunijs,
atque eleemosinis scindite corda vestra, arripite
thuribulum, hæc est preces Sanctorum, &
medij inter ignem, & arsurum populum con-
sistite. Vos, qui statuti estis custodes super mu-
ros Hierusalem, noctu, atque interdiu clama-
te, atque estote cœlestis iræ, ac Diuinæ ultio-
nis placamina Exinanite calicem furoris, &
ruinæ, calicem, quo potati sumus, doloris, &
tribulationis meracissimæ. Nobis quippè, qui
bus non prius tutò creditas oues suas putauit
Christus, nisi postquam iterum, ac tertio de
amoris magnitudine admoniti fuimus in Pe-
tro, quibus solis Sanctuarium ingredi, & ante al-
tare populorum preces Deo representare cõ-

cessum est, sedulo elaborandum ne irascatur Dominus, & dicat; quæsiui virum, qui interponeret Maceriam, & staret oppositus contra me pro terra, ne dissiparem eam, & non inueni, & effudi super eos indignationem. Hoc enim habet Diuina ultio, vt tùm maximè Altissimus sit exorabilis, & ad lenitatem, clementiamque, hoc est ad ingenium suum redeat, cum in brachio forti, & manu valida gladium exerat, vt feriat. Sint pedes vestri pedes euangelizantium pacem, vt conterantur arcus, & sagittæ, atque imperet Deus ventis, & faciat tranquillitatem; quam per vos præsertim assequi vehementè optamus, vobisque Apostolicam benedictionem peramanter impertimur. Datum Romæ apud Sanctam Mariam Maiorem sub Annulo Piscatoris die xx. Septembris M. DC. LV. Pontificatus nostri Anno Primo.

Natalis Rondininus.

R O M Æ

Ex Typographia Reu. Camerae Apostol.

M. DC. LV.

